



Divus Stanislaus Kostka S.I.

Callenberg, Caspar

Neuhusii, 1716

Iconismus 10mus.

[urn:nbn:de:hbz:466:1-69536](#)

chin. in vita, p. 1. c. 2. In exercitationibus
scholasticis pia tractabat argumenta, ac plu-
rimūm Regina Cœli laudes. Idem. p. 1. c. 3.

ICONISMUS IOMUS.

*Exhibit Stanislauum, nocturno tempore, ut
domesticos fallat surgere solitum.*

*Epigraphe : NVNC NOCTE UTENDVM. Sili-
us Italicus l. 7 de bello Punico.*

Epigram. Stanislauus ipse loquitur.

*Nox sit centoculo quamvis oculatior Argo;
Plus uno cernit lumine, lusca dies.*

*Omnia lusca dies cernit; tibi Kostka latendū est.
Non mihi Lusca dies; nox mihi cæca placet.*

2.

*Non jacet in molli veneranda Scientia lecto;
In lecto Virtus nec generosa jacet.*

*Et Virtus cordi, cordiq; Scientia Kostkæ est,
Hinc roties noctu surgere Kostka solet.*

3.

*Spectari non vult, quoties it Kostka precatum:
Frustra est : spectator totus Olympus erit.*

4. Conceptus Poëticus.

*Sæpius orantem nocturno tempore Kostkam
Vidit, & attonitis luna stupebat equis.*

*Vidit, & hunc Vigilem jam castius arsit Ephæbum:
Endymionei displicuere i hori.*

Viderunt stellæ : tenuit miratio stellas :
 His precibus fixam quamlibet esse putas.
 Viderat insolitos devoti pectoris ignes
Marspiter : hic juvenis me magis ardet , ait.
Cassiopea pios dum vidi ab æthere fletus ;
Hi præstant, inquit Cassiopea, meis.
 Quot quot viderunt has castas Sidera flammæ :
Flammis his, flammæ posthabuere suas.
 Sola *Venus* sacros risit petulantius ignes :
Nempe suo juvenem mallet ab igne coqui.

5. Ad Kostkam in Saxo secubantem à
 fratre suo.

Molliculis eur nulla tumet tibi culcitra plumis ?
 Cur Saxo ponis semirecline caput ?
 Kostka sapis : quamvis alio *Pudor* esse grabato
Tectior ; haud alio tutior esse queat.

6. Ad eundem.

Conceptus Poëticus.

Vidit Amor, pueriq; parens te vidit Amoris :
 Unanimes duro condoluere thoro.
 Si patiaris, Amor proprias sibi *vellicet alas :*
Pulvinar capiti commodet indè tuo.
 Sed renuis, puerumq; abigis, pueriq; parentem;
Nec tibi vis rigidum molliat ille thorum,
Luceat è reliquis quamvis sapientia factis;
Hoc factum nequeo, Kostka, probare tuum.

Debuerant gemina velli radicitus ala :
 Ad mala sic factus tardior, iret Amor,
 7. Parergon morale : quis sit lectissimus ?
Esse Vir, aut Juvenis, quisquis lectissimus optas,
Cum Kostka lectum neglige; talis eris.

ICONISMUS IIMUS.

Repræsentat Stanislaum à Paulo Fratre Pie-
tatis & modestiae causâ, variè vexatum:

Epigraphe supra Stanislaum :

NIMIS SEVERVS CREDERIS ESSE NESCENTI.
Sidonius in lande Narbon. Urbis.

Epigraphe supra Paulum : EXARDES CET CON-
TRA EVM. Job. 18. 9.

Epigram.

Credite Nasoni : *Fratrum quoque gratia rara,*
Rara fuit Pauli gratia; nulla fuit.

Rara Stanislai : *fustes & verbera pensat*
Officiis; rararior illa fuit.

2. Ad Stanislaum pietatis causâ vexatum.

Sacratas it Kostka frequens ad Numinis ædes,
Ut litet æterno Vota, precésq; Deo.

Absentem Frater queritur, reducémq; flagellat
Verbis, ceu magnum, verberibúsq; reūm.

O sanctum puerum ! summum si templi subire
(Quod pietas aliis) sit tibi Kostka scelus.

3. De